



ESTD 18th Nov, 1990

Chawlhni Eng

Since April 8 1990

Volume 35 Issue No. 22

An Organ of Republic Vengthlang Branch KTP

2nd June, 2024

AMEN

-Dr. Lalrinsiamia

Amen hi fiah tha tak leh mi hriat theih ngei tura ringin tih tur a ni. Hebrai tawng a ni a, 'Ni rawh se, chutiang chu a ni, a dik e' tihna a ni a, pawmpuina a ni. American sap thenkhat hian, "Eimen" ti ang deuhin an lam a, an lam dan hi entawn a ngai lem lo. Mizovin Amen kan tih hi Bible-a an tih dan ang a ni a, chanchin tha min hrilhtu British sap te pawh khan a dikin "A-men" an ti thlap a ni. Amen revival team pawh an awm a, an team hming hi a tawi na a, a tha hle a ni.

Aw fiah tak, ring tak maia, "Amen" an lo tih hi chuan a zahawm bik em em a, a ngaih-that-thlak a, thlarau nun a chawm nghal der mai a ni. Mipui hmaa kan tawngtai hian mipui aiawha Pathian bia kan ni a. "Amen" an lo tih hian kan tawngtaina thu an ngaithla a, min pawmpui tih a chiang bik a ni. Chhungkuaa Pathian kan biak pawh hian, an lo Amen dap dap chuan min chawm bik a ni.

Billy Graham-a, Pathian thu hriltu ropui pawh khan Mizo lam ang hian Amen a ti thlap asin! Miin Pathian thu an chhiar a, "Lalpan malsawm rawh se," an tih te hian ring tha taka Amen tih tur a ni. Chutiingin, an tawngtai laia, "I hnenah lawm thu kan sawi e," an tih te hian chiang taka Amen tih tur. A tawpna an siam hian zawi supa Amen loh tur a ni.

Chawlhni hian Amen tihna hun a tam bik a, vawiin atang hian ring leh zualin i Amen ang u. Chawhnu inkhawm laia mipui an mutthluk thup laia hmeichhe thutna lam atanga, "Amen, Haleluiah," an lo tih hian an ngaithla tha hle tih a hriat a, thu sawi a chawm khawp mai. Pi Zaihnuini min ti hre chhuak fo mai! Kan mutthluk deuh vek lai pawh khan, thu tha deuh an sawi chuan a rawn Amen hluai zel a - ama tih dan khan. A ngaithla uluk hle tih a hriat a ni.

Deuteronomy bung 27-ah chuan Pathianin, "Mipui zawng zawng chuan, 'Amen!' an lo ti tur a ni," tiin a sawi a. Tlawmngai tura insawmna a ni lo, thupek (order) a ni. Mipuiin Amen kan lo tih hi a pawimawh hle a nih chu. tawngkama "Amen!" lo tih chu Pathian thu awihna a ni pakhat phawt. A taka Amen nunpui phei chu a va ropui leh zual dawn em!

Englai pawha bengchhi, ngaithla uluk tih hriatna chu a hun taka an rawn Amen thin hi a ni! Kan kohhran inkhawmah hian mipui chanvo hi a tlem a, kan puithu a, biak ina kut kan ben ngai loh avangin sermon lai phei hi chuan mut a chhuak duh hle a. Amen hi uar leh zual ta ila, mutthlu pawh kan tlem phah ngei ang.

Fakna hla Lal Davida phuah (1 Chronicles 16: Jerusalem-a thuthlung bawm lak thu)-ah khan, ti hian a tawp a: Israel-te Pathian LALPA chu fakin awm rawh se, chatuan ata chatuan thleng pawhin. Tin, mipui zawng zawng chuan, "Amen," an ti a, LALPA chu an fak a. Chutiang deuh chuan keini pawhin kan lo chhawn tur a ni. Meeting Chairman, tantu, thupui hawngtu, thuhrlitu, etc-in Bible an chhiar, malsawmna an dil leh an tawngtaina kan lo tawmpui a ni tih lantirna a ni a; a pawimawh hle a ni.

Gethsemane huana thlan thisen anga far zawih zawih khawpa Lal Isua a tawngtai pawh khan, "Nimahsela, keia thu ni lovin, nangma thu thu ni zawk rawh se," a ti a nih kha. Chu chu Amen nun chu a ni. Ama thihna turah pawh Pathian thu a nih phawt chuan, "Amen," a ti thei a ni! Lal Isua hi kan entawn ber a ni a, a zirtirna zawng zawng te hi kan zawm (Amen) tur a ni. Amen, Amen.

KOHRAN HUNRUAT

Inkhawm Hruaitu

Ni 01-15.06.2024 : Upa Lalhmunsanga

Ni 16-31.06.2024 : Upa Siliana

2 June : Pathianni

Chawhma

Tantu : Pi R. Lalremtluangi

Zirlai : "Khawvel chungka Lal chu Pathian a ni"

Chawhnu

Tantu : Pi Lalchawimawii Hnamte

Thuhrlitu : Pu J. Chamliana

Zan

Thuhrlitu : Upa Lalhmunsanga

5 June : Nilai Zan

Tantu : Pi B. Hmingthangi

T. Hawngtu : Pi Lalbiakengi

Thupui : "Nitin nuna Thlarau mina"

8 June : Inrinni Zan

Tantu : Nl. R. Lalchhawnkimi

Thuhrlitu : Pu F. Lalnithanga

Tawngtairual leh thuhrlit

KRISTIAN THALAI PAWL

Thawhtanni zan (Ni 03.06.2024)

Hruaitu : Pu David Lalruatfela, *Leader*

Tantu : Nl. Linda Lalsangpuii, *Mk.*

Thuhrlitu : Pu F. Hmingthansanga,
Kristian Chbungkaw Committee

Kumin HSSLC pass tharte tawngtaisakna neih tur a ni a, pass tharte inkhawm tur a ni e.

KOHRAN HMEICHHIA

Thawhlejni zan (Ni 04.06.2024)

Hruaitu : Pi Lalremruati

Tantu : Pi Lalhlimpuii (6)

Tawngtairual leh rilru sawi

KOHRAN PAVALAI PAWL

Thawhtanni zan (Ni 03.06.2024)

Hruaitu : Pu Lalbiakenga

Tantu : Pu Edenthara

Thuhrlitu : Pu Vanlalhruaia

ZING TAWNGTAI INKHAWM HRUAITUTE

(Ni 03.06.2024 - 09.06.2024)

Tan hun : Zing dar 5:30 A.M

Thawhtanni : Upa H. Lalthankhuma

Thawhlejni : Pu V. Rothangpua

Nilaini : Pi Lalthansangi

Ningani : Pu H. Lalthmingliana

Zirtawpni : Pi K. Lallawmsangi

Inrinni : Pu C. Chhunthanga

Pathianni : Pi Hlawnziki

Editorial Board

Editor	: Christopher Ramnunmawia	8730922458
Jt. Editor	: Zakaria VL Tanpuia	7085207763
News Editors	: Ramengmawia	9643380080
	Lalchhanchhuaha	8014653293
	Henry K. Malsawmtluanga	7627908950
	Zoremthanga	8414053544
Manager	: Lalremruati	8575285632
Cir. Managers	: Sammy Zodingsanga	6909484229
	H. Lalthuamlia	8794529394
	B. Rosangliana	9383101621

Kohhran website : www.rvtkohhran.com

Editorial

Kum chanve kan lo chuang kai leh ta reng mai! Min hruai thlengtu Pathian chu fakin aum rawh se. Pathianin min hruina zawng zawng hi chhiar dawn ila, kan chhiar kimin, kan bre vek sêng kber lo ang. Hla chuan, "Min hruai thin tiau dup hmunah te, Lalpa chu ka kawng hruaitu a ni" a ti a. Kan nitin nun a min hruaitu atan Pathian thlang ila, kan nun a min hruai tawhna zawng zawngah lawmthu kan sawi nawn thin tur a ni.

Chhiatna chi hrang hrang Mizoram dung leh vângah a thleng nasa hle mai a, kan sik leh sâ inthlâkin a ken thlipui leh ruahpui nasa taka thawkin kan mihring puite in leh lo, an neih thil hlu, nunna hial te an chan phah a, an lainat aum hle a ni. Ngun taka ngaihtuah chuan hêng chhiatna chi hrang hrang lo thleng ata kan him mai pawh hi Pathian vengimna kan chang a ni tih briaiin, lawmthu sawi ila, inring renga aum tur kan nihzia pawh i bre thar leh fo ang u. "Inring rengin aum rawh u" a tih angin eng hunah pawh amah tawh turin kan thil tih engkimah te, kan hun hman mêkah te, amah bre rengin kan kawngte i chhut nawn fo ang u.

Johana 14:6-ah chuan, "Keimah hi kawng leh thutak leh nunna ka ni, keimaha kal lo chu tumah Pa hnenah an thleng ngai lo," tih kan hmu a. Isua hi kan kawng a ni a, amaha kalte an kal sual ngai lo. Amah hi thutak leh nunna a ni a, amah neitu te chuan chatuan nunna an nei a ni. Mangannain a tihbuai thin keini tan mangan laia tanpui vartu Isua neih hi a hlu a ni. A lama tangte an lungawi thin a, an thinlung duh zawng a pe thin. Kan tan Lalpa a tha a, Amah neitu te chu he khawvel a mi vannei ber an ni.

GROUP NEWS

Marka Group : Ni 06.06.2024 (*Ningani*) zanah Lehkhachhe khawn a Group Sumtuak hnatlang neih tur a ni a, Group member hnatlang a thawkchhuak turte chu Kohhran Hall ah zan dar 7:00 a kim theuh turin hruaituten min ngen a ni.

Kohhran chungkua te lehkhachhia paih lova lo khawlsak turin min ngen bawh a ni.

Luka Group : Group sumtuak nana Group Thlalak khulh tura tih chu ni 03.06.2024 (*Thawhtanni*) zan inkhawm banah Group sum enkawltute hnenah ₹ 20 aia tlem lo a khulh theih a ni dawn e.

KTP GENERAL CONFERENCE HLA BU 2024

Kohhran mipui KTP General Conference hla bu 2024 lei duh tan Branch KTP sum enkawltute hnenah engtik lai pawhin a lei theih reng e.

KRISTIAN THALAI PAWL

Thupui : Rawngbawl tura chhandam

Thupui inngahna : Ephesi 2:10

"Thil tha ti atân Krista Isuaah chuan siama awmin, ama kutchhuak kan ni si a, chu thil tha tih chu kan awmna tûrin Pathianin a buatsaih lawk a ni."

Thil tumte:

1. Isua Krista rinna leh amah anna kawng thalaite hruai
2. Kohhran kut ke ni tura thalaite buatsaih
3. Kohhran hnathawh tihpuitlin
4. Krista chanchin tha puan darh

NAUPANG SUNDAY SCHOOL HUNRUAT**BEGINNER DEPARTMENT**

Hruaitu	: Nl. Vanlalhruaii, <i>A. Leader</i>
Tantu	: Nl. Lalhmingmawii
T. Lakhawmtu	: Laltanpuia Chawngthu Lalnunfeli Khiangte
T. Hlantu	: Nl. Lalbiakngheti
Zirlai 18-na	: " <i>Hanin Pathian tan Samuela a pe</i> "

PRIMARY DEPARTMENT

Hruaitu	: T. Upa H. Zasiama, <i>Supdt. NPSS</i>
Tantu	: Tv. Lalzawngkima
T. Lakhawmtu	: Joseph Lalliansanga, P-11 Priscilla Lalhruaitluangi, P-3
T. Hlantu	: Pu Lalrinfela, Secy, NPSS
Zirlai 18-na	: " <i>Isua-Damlote thian</i> "

JUNIOR DEPARTMENT

Hruaitu	: Pu David Lalruatfela, <i>Leader</i>
Tantu	: Mellisa Malsawmzuali, H-1
T. Lakhawmtu	: Laldinthara Khawlhing, M-3 Lalchhanhima, M-3
T. Hlantu	: Nl. Zohmingthangi
Zirlai 18-na	: " <i>Isuan thlemna a hneh</i> "

INTERMEDIATE DEPARTMENT

Hruaitu	: Tv. Lalrinfela, <i>Leader</i>
Tantu	: Lalruatsanga Tlau, P-3
T. Lakhawmtu	: Jessica Lalngaihzuai, P-11 Angel Remruatpuii, P-11
T. Hlantu	: Pu F. Laltanpuia
Zirlai 18-na	: " <i>Tlang chung a thusawi</i> "

SACRAMENT DEPARTMENT

Hruaitu	: Tv. Lalengzuala, <i>Leader</i>
Tantu	: R. Lallawmzuali, H-1
T. Lakhawmtu	: H. Lalrotluanga, Vanlalduhsaka, M-2
T. Hlantu	: Pu Joseph Lalrinmawia
Zirlai 18-na	: " <i>Kristian nun - Khawtlang leh Sawrkar lam</i> "

SENIOR DEPARTMENT

Hruaitu	: Pu PC Zosangliana, <i>Leader</i>
Tantu	: PC Malsawmtluangi, P-11
T. Lakhawmtu	: Ruth Lalfakawmi, P-12 Lalawmpuii, P-12
T. Hlantu	: Pu K. Lalnunluanga
Zirlai 18-na	: " <i>Roreltute hmaah Peteran thu dik a puang</i> "

June thla zai hruaitute :

Khuangpu	: Lalchampuia
Hla hriltu	: V. Zothanmawia
Keyboardist	: R. Lalruatfeli
Guitarist	: C. Lalmawipuii
Bassists	: Laltanpuia

TUNKAR ZAI HRUAITUTE

Pu Christopher Ramnunmawia (Leader), *Khuangpu*
 Pu H. Lalhmingmawia, *Khuangpu*
 Pu Lalrinfela, *Khuangpu*
 Pu Lalremtuanga Sailo, *Pianist*
 Nl. H. Vanlalrinawmi, *Pianist*
 Nl. R. Lalrengpuii, *Hla Hritlu*
 Nl. H. Lalhmangaihi, *Hla Hritlu*

FAITH PROMISE HAWNG

Ni 27.05.2024 (*Thawhtanni*) zan inkhawm banah khan May thla Faith Promise hawn a ni a, a luh dan hetiang hi a ni :

Thla	Ip sem zat	Ip lut zat	Ip lut lo zat	Total
May	590	584	6	67830
April	593	586	7	67470
Diff. (+/-)	-3	-2	-1	360

TUNKAR CONTROL ROOM DUTY

(Ni 03.06.2024 - 09.06.2024)

1. Pu C. Dothanglura 2. Pu C. Lalhriatpuia

CTG HUNRUAT

Hruaitu : Pu Joseph Lalrinmawia, *Asst. Dir.*
 Tantu : Laltanpuia, *Upa Hlima Gr.*
 Child abuse/ Harassment Awareness a hun hman tur a ni dawn a ni.
 Resource Person : Tv. Malsawmdawngzela Hauzel, *Ramthar Tlangveng Kohhran*

June thla Zai hruaitu turte:

Khuangpu : R. Lalhruaitluanga
 Hla hritlu : Hadasi K. Lalrinkimi
 Keyboardist : R. Lalruatfeli
 Guitarist : C. Lalmawipuii
 Bassist : H. Lalrotluanga

PNI HUNRUAT

Hruaitu : Tv. H. Vanlalhmangaiha
 Tantu : Christina Lalfakzuali
 Hun Hmangtu : Tv. Laltanpuia, *Asst. Secy.*

YOUTH RECREATION CENTRE

2024 KṮP General Conference, Ngopa-a neihah khan YRC Pual Budget bial tinah intuk leh ni se tih chu remtih a ni a (Gen.:1). YRC Pual Budget hi member tam dan leh bial dinhmun azirin siam thin a ni a, keini Republic Veng Pastor Bial te pawh Budget ah ₹ 2,00,000/- tuk kan niin Republic Veng Branch ₹ 70,000/-, College Veng Branch ₹65,000/- leh Republic Vengthlang Branch ₹65,000/- in kan insem leh a ni.

Kumin khan agenda-a thingtlang lam tih zangkhai dan awm thei se tihte rilrua nei chungin Central KṮP chuan khawpui chhung bial engemaw zat leh thingtlang bial thenkhat budget punin a bak chu a theih chin chinah tih zangkhai deuh tha a ti a. Chutiang chuan YRC Pual Budget 2024 hi siam a ni.

Youth Recreation Centre (YRC)-a Convention Centre, mi 900 leng tur leh mipa 60 leh hmeichhia 40 riah theihna tur sak hna chu chak takin kalpui a ni a. Central KṮP in a thawhpui Lushai Engineers nen February ni 9, 2023 (*Ningani*) khan inremna (*agreement*) an ziak a. Inremna ang chuan hna hi kum 2 (thla sawmhnihi pali) chhunga zo tura tih a ni a, hemi atan hian Rs. 4,43,90,000/- (cheng nuai zali sawmli pathum leh singkua) Central KṮP-in a pe dawn a ni. Pawisa hi kum 4 (thla sawmli pariat) chhunga pek zawh tur a ni a, tun dinhmunah hna hi 70% chu zawh a ni tawh a ni. Pawisa pek tur atang hian ₹ 1,41,80,780/- (cheng nuai za sawmli pakhat singriat zasarih sawmriat) pek a ni tawh a, YRC Closing balance chu ₹ 1,57,53,963/- (cheng nuai za sawmnga pasarih singnga sangthum zakhua sawmruk pathum) a ni.

REPUBLIC VENG PASTOR BIAL**KRISTIAN THALAI PAWL OFFICE BEARERS 2024-2025**

Leader : Pu David Lalruatfela, Rep. VT
 A. Leader : Tv. C. Lalbiaktluanga, Col. Veng
 Secretary : Tv. Lalmawizuala Tochwawng, Col. Veng
 Asst. Secy : Pu Joseph Lallianzuala, Rep. Veng
 Treasurer : Tv. Emmanuel Rodingliana, Rep. Veng
 Fin. Secy : Pu PC Zosangliana, Rep. VT

KṮP LEADERSHIP TRAINING NEIH A NI

Ni 24.05.2024 (*Zirtawpni*) zan khan KṮP hnuai Branch Committee, Group Committee te leh Sub Committee member te pualin Leadership Training Kohhran Hall ah an nei a, Trainer atan Upa F. Lalfakzuala i/c KṮP niin hun hlawkthlak tak an hmang thei a ni.



SYNOD REVIVAL CAMPING

Ni 4-8.06.2024 chung hian Synod Revival Camping Centre, Neihbawih ah a duh apiang tan Camping buatsaih a ni dawn a. Speaker tur chu Lalhākunga, Krista Chhanchhuah Team a ni ang. Camping Fee mi [pakhat tan ₹. 100/- a ni a, mutbu bakah Bible, Hla bu, Pen, Note Bu ken tur a ni. Ruihtheih thil ken luh phal a ni lo a, Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawihah chhun dar 12 at anga tlai dar 4 inkarah Registration tih fel vek tur a ni a, rokhawlhna lian tak nei an nihloh chuan tlai dar 4 hnu lamah in Register theih a ni dawn lo a ni. Ei leh in chu Synod-in a tum vek dawn a ni.

VAVIIN CHANGVAWN

“Nangni Pawh inring rengin awm rawh u, in rin loh bunah Mihring Fapa a lo kal dawn si a”

(Luka 12:40)

COMMITTEE HUN NGHET NEIH DAN

Kumin chhunga Kohhran hnuaia Sub Committee thenkhat te Committee hun nghet neih dan hetiang hi a ni :

- Kohhran - Zirtawp zan hmasa ber
- Kohhran Hmeichhia - Zirtawp zan vawi thumna
- Kristian Thalai Pawl - Ningani zan hnuhnung ber
- Kohhran Pavalai Pawl - Ningani zan vawi thumna

THLALAK TRAINING NEIH A NI

Ni 28.05.2024 (*Thawhlehni*) zan khan KTP Documentation Committee te chuan thlalak (Still) leh Video lak dan inzirtirna (training) an nei a, pawnlam mi sawmlain an hruaituten zirtirna hun hi an kaihruai a ni.



MAY 2024 Finance Report

Bial	Pathian Ram	Ramthar	Tualchung	Biak In	Chhawm-dawlina	Krismas & Kumthar	G. TOTAL	Ip Sem zat	Ip lut zat	Ip lut %	Ip lut lo
1	1,00,900	50,510	57,350	35,550	9,900	8,800	2,63,010	39	32	82.05%	7
2	67,650	35,900	38,030	20,620	5,870	9,150	1,77,220	42	36	85.71%	6
3	85,950	61,350	64,170	15,250	10,200	9,600	2,46,520	35	34	97.14%	1
4	1,17,500	65,870	78,330	22,780	13,720	8,900	3,07,100	49	45	91.84%	4
5	1,16,950	71,350	85,660	40,040	13,610	9,660	3,37,270	47	46	97.87%	1
6	86,100	45,300	44,300	24,600	10,050	10,950	2,21,300	51	47	92.16%	4
7	66,000	36,950	48,150	20,550	9,000	9,450	1,90,100	31	30	96.77%	1
8	77,400	49,080	56,130	23,940	11,080	10,550	2,28,180	48	42	87.50%	6
9	95,060	41,850	38,500	20,300	9,100	9,430	2,14,240	44	41	93.18%	3
TOTAL	8,13,510	4,58,160	5,10,620	2,23,630	92,530	86,490	21,84,940	386	353	91.45%	

Punna / Kiamna

Thawhlawm hmuh zawng zawng	: ₹ 21,84,940	₹ -3,82,001
Thawhlawm Ip lut lo zat	: 33	6
Dan zawhkim Pakhat thawh zat	: ₹ 1,543	₹ -267
Synod sum lut zat	: ₹ 12,71,670	₹ -2,13,686
Tualchung Sum	: ₹ 6,03,150	-